



Титд илгэсн бичг

Нүр үг

Тит буру номта күн бээж. Дөкэд эн христианин болад, Павелта хамдан көдлөд, Терүнэ миссионерск көдлмшт нөкднь болв. Крит гидг арл деер чонжин көдлмш харджах баахн наста нөкдтэн Павел эн бичгэн илгэжэнэ.

Негдвөр болхла, чонжин хардач Критин кесг улсин му заң тоодан авад, бийнь ямаран заңта болхин тускар бичжэнэ. Цааранднь Павел чонжд олн зүсн багмудыг, өвгд, эмгүдиг (теднь баахн гергчүд сурхх йоста), баахн залусиг, ялчнриг яһж сурххиг Титд заажана. Чилгчднь тер христианск заң-бэрцин тускар Титд селвг өгчөнэ. Хамгин керг-тэнь: төвкнүн бээх, үүрсг болх. Дурго болснасн, метклдэнэс, чонжд болдг хувалһнас хол йовтн гиж Павел бичжэнэ.

Учр-утхин зура

Нүр үг 1.1–4

Чонжин церглөчнр 1.5–16

Чонжин олн зүсн багмудын күцэх кергүд 2.1–15

Сагллһн 3.1–11

Товчлгч үг 3.12–15

Бичгин эклц

1¹⁻³Павелас, Бурхна зарцас болн Исус Христосин апостолаc. Би Бурхна шүүж авсн улсиг иткл болн мана шажна суржах үнниг медүлх апостол болж илгэгдлөв. Мөнк жирһлин нөөлт эн үннэ ул болжана. Бурхн эклцэсн авн маднд мөнк жирһл өгхэр үгэн өглэ. Бурхн төрүц худл келдмн биш. Бурхн кергтэ цагтан нанд даалһсн үгэр дамжад зураһан маднд үзүлв. Аврач Бурхна зааврар би эн зураг цөөлһж өгчөнөв. ⁴Нанла хамдан нег иткл

хувалцжах, мини тоолгдсн көвүн Титд. Бурхн Эцк мана Деед Эзн Исус Христос хойр чамд цаһан сана, болн төвкнүн бөөдл өгтхэ.

Титин даалһөр

⁵Чамаг Критд эклсэн күцц күцэхэд, балһсн болһна чонжд мини заасар ахлачнриг тэвтхэ гийхэд үлдөлөв. ⁶Ахлач күн урднь нег чигн буру уга болх зөвтэ, һанцхн гергтэ болх зөвтэ. Терүнэ үрдүд бас Христост иткэд, сэн авьяста, сонсхврта болх зөвтэ. ⁷Һардачд Бурхна көдлмш даалһгджана. Тиигэд тер урднь нег чигн буру йовдл эс һарһсн болх йоста. Тер күн сөрсхр биш, ур уга, чаһрт авлгддо, ноолдач биш, мөнгнд хармч биш болх зөвтэ. ⁸Зуг тер кү гиичлүлхдэн дурта, сә кехдэн дурта, бийән сәәнәр бәрдг, чик седклтэ болх. Тиим күн дигтэ-дарата болад Бурхнд шүтх йоста. ⁹Дәкэд тиим күн номас авсн чик үгд иткх зөвтэ. Тиигэд иткдг улст чик ном сурһад, урмд өгх. Эн номиг бурушажах күүнд теднэ эндүһин тускар иләр келж чадх. ¹⁰Яһад гихлэ, буцсн улс эврәннь эргү номарн әмтиг меклжәхнь олар бәәнә. Христос иткдг улсас евреймүдин авьяс бәржәх багин улс тедн дунд йир олн. ¹¹Худл ном тархахднь тедниг эрк биш зогсах кергтэ. Тедн мөңг олхин төлө ичртэ йовдлар өрк-бүлин иткл эвдэд, эс сурһшго юм сурһж заана. ¹²Нам теднә нег әәлдәчнь иигж келж: «Критин улс цугтан худлчнр, зерлг ангуд, хуурмг болн ик хотта улс». ¹³⁻¹⁴Эннь үнн. Тиигэд теднә иткл чик болдгар, евреймүдин келсн туульд болн үнниг һолжах әмтнә зааврмудт оньган өгдгоһар иләр кел. ¹⁵«Седкләрн цевр улст юн болвчн цевр болх», – гиж тедн келлэ. Зуг килнцәр үрсн болн эс иткдг күүнд цевр юмн уга. Яһад гихлэ, теднә ухан болн седклнь бас килнцәр үрж одж. ¹⁶Тедн Бурхиг меднәвидн гинә. Болв эврәннь кергәрн Бурхиг эс меджәхән үзүлнә. Теднәс Бурхн жигшжәнә. Сонсхвр уга, сән йовдл һарһж чадшго улс болжана тедн.

Иткдг улст йосн ном өглһн

2¹⁻²Чи чик номла ирлцүлж сурһх йостач. Медәтә улсиг чаһр ууж согтдгоһар, тоолвртаһар бийән бәрдгәр сурһх. Христост чикәр иткэд, улст дурта болад, зовлңиг тесәд тедниг сурһх йостач. ³Христост иткдг улсла әдл бийән бәрдгәр медәтә күүкд улсиг сурһ. Теднд хов зөөшго, икәр чаһр уушго заквр өг. Тедниг

цаһан седклин йовдл һарһдгар сурһх зөвтө. ⁴⁻⁵Баахн гергчүд эврәннь залудан болн үрдүдтөн дурга болдгар медөтө күүкд улс тедниг сурһх йоста. Тедн бийән бәрэд, цеврэр бөөһөд, гериннь көдлмш сөөнөр кеһөд, залусан соңсад, кен чигн күн Сән Зөңгиг муурулдгоһар бөөх кергтө болжана. ⁶Баахн көвүд чикэр бийән бөрдгэр бөөлһх йоста*. ⁷Чи юн болв чигнд сән йовдлын үлгүр болхич. Сурһуль заахдан үннч, болһамжта бол. ⁸Күн чамаг бурушадгоһар келх чик үгән ухалад келжэ. Тиигхлө мана өшөтнр мадниг гемшэж чадшго, тедн чамла эсргүдсндөн ичөгдх. ⁹Эздүдиннь келсиг цугтаһинь күцөдгэр, юуһарн чигн таасгддгар зарцнран сурһ. ¹⁰Тедн бичэ зүткдэд бөөтхэ. Дөкөд бичэ хулха кетхэ. Итклтө күн кевтөһөр бөөтхэ. Тиигэд теднө кежөсн тоот мана Аврач Бурхна Сән Зөңгд тус болх. ¹¹Өмтн цугтан аврлтдгар Бурхн Эврәннь хөөрлтөн үзүлв. ¹²Бурхна хөөрлт мадниг иигж сурһжана: Бурхнд эс иткжэх бөөдлөн болн жирһлин му седвөрән хайтн. Эн жирһлдөн бийән бөртн, чикэр жирһтн. ¹³Бидн кишгтө өдр ирхиг күлөжөнөвидн. Терүнд бидн цугтан нөөлжөнөвидн. Тер өдр алдр Бурхн, мана Аврач Исус Христос, туурмжтаһар ирх. ¹⁴Мадниг цуг килнцэс сулдххин болн цеврлхин төлө, зуг терүнө улс болдгар, сән йовдл һарһхдан белн болдгар Исус Христос бийән алулла. ¹⁵Энүг чи теднд сурһх йостач. Эврәннь йосан күцүднө олзлад, иткдг улст урмд өгөд, теднө килнцин тускар илэр кел. Нег чигн күн чамаг басхар бичэ седтхэ.

Иткдг улс яһж бөөх йоста

3 Иткдг өмтн ахлачнриг болн йосна һардачнриг кевтнь сонстха гиж кел. Тедн сән йовдл һарһхдан белн болтха. ²Күн болһна тускар му келдгоһар, эвцтө болн үүрсг, нийһөр бөөһөд, цугтаһинь тебчдгэр теднд кел. ³Урднь бидн эргү, сонсхвр угаһар бөөсндөн меклгдж йовлавидн. Зүсн-зүүл седвөр болн бахта юмн мадниг авлж йовла. Бидн эврәннь жирһлдөн хортаһар, үлү үзэд, өмтн маднд дурго болад, бидн өмтнд дурго болад бөөлөвидн. ⁴Бурхн, мана Аврач, эврәннь хөөрлт болн дуран өгсн цагтан мадниг аврла. Мана керг-үүл тоолж биш, зуг эврәннь хөөрлтөр мадниг аврла. ⁵Бурхн мадниг Эрүн Сөкүсэр уһаһад, шин төрлт болн шин жирһл өгв. ⁶Мана Аврач Исус Христосар дамжад

* Һанцхн гергтө, эс гихлө, нег дөкж гер авх.

Бурхн маднд элвгэр Эрүн Сэкүс белгль. ⁷⁻⁸Тиигэд бидн түүнэ хээрлтэр Бурхнла чикэр бээнэвидн. Аштнь бидн күлэжэсн мөнк жирлэн эдлхвидн. Иигж келсн чик, энүнд итктн. Би чамаг иим юмнд оньган өгтхэ гижэнэв. Христост иткдг улс цаһан седклтэ йовдл һарһхд килмжэн өгтхэ*. Эннь сэн, олнд туста. ⁹Эргү зүткэнд болн уңг-тохма төр халлһнд, закана туск зүткэнд бичэ орлц. Терүнэс олз уга, дэкэд мел керг уга. ¹⁰Олниг цуцад хувахар седсн күүг нег дэкж, хойр дэкж келэд, цааранднь терүнлэ бичэ харһ. ¹¹Тиим күн чик хаалһас салат, килнц цаарандан һарһжахиг чи эврэн меднэч. Терүгэрн тер бийиннь эндүһэн үзүлжэнэ.

Сүл селөг

¹²Намаг, чам тал Артемиг эс гихлэ, Тихикиг илгэхлэ, Никополь тал адһж ир. Би тенд үвлзхэр бээнэв. ¹³Зину гидг закана күүнэ болн Аполлосин хаалһин йовдлд дөнгөн күрг. Теднд кергтэ тоотынь белд. ¹⁴Христост иткдг күн сэн йовдл һарһад цаган давулдгар дастха**. Тиигж бээхлэрн, тер эврэннь теткврэн эврэн олх. Иткдг улс тус угаһар бөөх йосн уга. ¹⁵Энд нанла хамдан бөөх улс цугтан чамд менд илгэжэнэ. Маднла иткдг иньгүдт цугтаднь менд кел. Бурхн цугтаһитн хээрлтхэ!

* Христост иткдг улс цаһан седклтэ йовдл һарһхд килмжэн өгтхэ, эс гихлэ, Христост иткдг улс күндтэ көдлмшт ортха.

** Христост иткдг күн сэн йовдл һарһад цаган давулдгар дастха, эс гихлэ, Христост иткдг күн күндтэ көдлмшт ордгар дастха.